

## Autory publikacje<sup>1</sup>

**MACIEJ BANDUR (MACÉJ BAŃDUR)** je skandinawistům a godkoznowcům. Robi we Insztituće Slawistyki Polskij Akadymije Nauk. Terozki zajmuje śe podszukowańami nad nowymi używoczami myrśsośćowych godkům. Skůńczůł študyjo na kerůnku skandinawistyka we Gdańskim Uńiwersyteće, študyrowoł godkoznowstwo na Uńiwersyteće we Leiden. Spůłpracowoł ze Warszawskim Uńiwersytetym a Uńiwersytetym Hokkaido. Przekłodocz na kaszubsko godka a jeji rechtůr. Robjůł za nowińorza przy Radyju Gdańsk, bůł tyż gůwnym redachtorym internetowego portalu «SKRA».

**MICHAŁ BILEWICZ** je społecznym a politicznym psychologym. Robi na Wydziale Psychologije UW, kaj keruje Cyntrům Podszukowań nad Uprzedzyńami. Szpecjalizuje śe we problymatyce psychologije mjndygrupowych stosůnkům a psychologiji pojednańo. Terozki zajmuje śe przede wszystkim podszukowańami godki rýnawiści, zbiorowyj pamjyńci na pokůnfliktowych terynach a rolům gyfilu uosobistyj kůntrole we społecznym fůnkcjůnowańu czowjeka. Bůł wiceprezesym Polskiego Stowarzyszyńo Społecznyj Psychologije a Kůmitetu Psychologije PAN, zaśodoł tyż we władzach Mjyndzynorodowego Towarzystwa Politicznyj Psychologije. Je prezydyntym programowyj rady fůndacyjje Forum Djalogu. We 2021 r. bůł laureatym nadgrody mj. Nevitta Sanforda za podszukowańa we sferze psychologije politiki.

**HELENA DUĆ-FAJFER**, dr hab., prof. UJ, je literaturoznowczyńům, tymkoznowczyńům, historyczkům sztuki, redachtorkům a poetkům. Keruje Katedrům Ruskigo Literaturoznowstwa we Insztituće Schodńostowjańskij Filologije Jagellůńskigo Uńiwersytetu. Bůła zołożycelkům szpecjalności «rusko filologijo ze ruśińsko-tymkowskům godkům» we Pedagogicznym Uńiwersyteće we Krakowje, kaj wykłodała godka, kultura

---

<sup>1</sup> We tyj sekciji przedstowjůmy sylwetki autorůw podug alfabetu. Na tytułowyj strůńe autory sům wypisane podug jeich proporcjalnego wkładu we robota nad gůwnymi partami a tymatycznymi kapsułami publikacyjje.

a literatura łymkůw. We latach 2005–2014 reprezyntowała łymkůw we Spůlnyj Kůmisyji Reskyrůnku a Norodowych i Etnicznych Myńszoći. Jeji naukowe zainteresowańa to sům: literatura a etniczność, literatura etnicznych myńszoći, myńszoćowe dyskursy, mjndzykulturowe relacje, antropologijo literatury, rewitalizacyjo kulturůw a zagroźůnych godkůw.

**BARTŁOMIEJ CHROMIK** pochodzi ze Kyntůw. Je adjůnktytm na Wydziale «Artes Liberales» Warszawskiego Uńiwersytetu a robi we Cyntrum Zaangazowanych Podszukowań nad Kulturowům Ćůngłoścům. Je absolwyntym Insztitutu Etnologije a Kulturowyj Antropologije UW a Głůwnyj Gyszeftowyj Szkoły na kerůnku «ilośćowe metody we ekůnůmiji a informacyjne systymy». Zajmuje śe podszukowaniami a rewitalizacyjům wylimowskij godki. Uod porunostuch lot kludźi terynowe podszukowańa we ukrajńskich Karpatach.

**SZYMON GRUDA** je filologym a kulturoznowcům. Robi we Cyntrum Zaangazowanych Podszukowań nad Kulturowům Ćůngłoścům na Wydziale «Artes Liberales» Warszawskiego Uńiwersytetu. Zajmuje śe problemytkům godkowego kůntaktu we kolůńalnym a spůłczesnym Meksyku. We 2018 r. ze wyrůźnyńym uobruńoń dochtorsko robota pmj. «Language and Culture Contact Phenomena in the Ayer Vocabulario Trilingüe», pisano *co-tutelle* mjndzy Wydziałym «Artes Liberales» UW a Filologicznym Wydziałym Uńiwersytetu we Seville. Przůdźij skůńczůń polsko filologijo (literaturoznowczo-godkoznowczo szpecjalność) na Wydziale Polůńistyki UW.

**ARTUR JABŁOŃSKI (ARTŪR JABLONSKI)** je kaszubskim aktywistům, samorzůndowcym, nowińorzym, pisorzym, rehtorym, podszukowoczym godki a tůżsamoći Kaszubůw. Spůłzołożycel radyja «Radio Kaszėbė», zołożycel priwatnyj dwugodkowyj szkoly «Naja Szkůła». Skůńczůń historyjo we Gdańskim Uńiwersyteće, dochtoryzowůł śe ze godkoznowstwa we Ślůnskim Uńiwersyteće, robi za asystynta na Wydziale «Artes Liberales» Warszawskiego Uńiwersytetu.

**TYMOTEUSZ KRÓL (TIŌMA FUM DŌKTER)** je wylimowskim etnologym, absolwyntym magisterskij sztudyje na Wydziale «Artes Liberales» Warszawskiego Uńiwersytetu, dochtorantym we Insztituće Slawistyki PAN, aktywistům na rzecz rewitalizacyje wylimowskij godki, podszukowoczym kultury a historyje Wylimowic, człůnkym Stowarziszyńo «Wylimowjany». Spůłpracuje ze Cyntrum Zaangazowanych Podszukowań nad Kulturowům Ćůngłoścům. Na Wydziale «Artes Liberales» kludźi zajyńca na tymat Wylimowic, w tym nauka wylimowskij godki.

**JUSTYNA MAJERSKA-SZNAJDER (JŪŚJA FUM BIŌETUŁ)** je wylimowskům dźaczkům, kulturowům aktywistkům, prezeskům Stowarziszyńo «Wylimowjany». Skůń-

czuła etnologijo a kulturowo antropologijo, a tyż reskyrowańy kulturům we Jagellůńskim Uńiwersyteće. Terozki kuńczy dochtorancko sztudyjo na Wydzale «Artes Liberales» Warszawskiego Uńiwersytetu. Jeji robota je pośwjyncuńo podszukowańu wpływu kulturowyج rewitalizacyje na dobrosztand Wilymowjanůw.

**NATALIA MAŁECKA-NOWAK** je łymkowskům aktiwistkům. Skuńczuła Mjyndzywydżałowo Szkoła Bjomedycznyj Inżyneryje na Hawjyrsko-Hutńiczcyj Akadymiji we Krakowje a edytorstwo na Wydzale Polůńistyki Jagellůńskiego Uńiwersytetu. Uod 2014 r. je swjůnzano ze Stowarzisyńym «Rusko Bursa» we Gorlicach, uod 2020 r. we fůnkcyjji prezydyntki forsztanu. Spůłtworzi ruńskie medyja, przede wszyjskim LEM.fm – pjyrsze łymkowske radyjo a informacyjny portal [www.lem.fm](http://www.lem.fm), publikuje tyż we cajtůngu «Bjeśada» (Бесіда) a «NN InfoRusyn». Przynoleży do redakcyje kůntekstowego znornatyzowanego dykcjůnorza łymkowskij godki.

**JOANNA MARYNIAK** robi we Cyntrům Zaangażowanych Podszukowań nad Kulturowům Ćungłocům na Wydzale «Artes Liberales» Warszawskiego Uńiwersytetu. Zajmuje śe tymatykům rewitalizacyje myńszocůwych godkům we Polsce a za grańicům.

**ANNA MAŚLANA** je absolwyntkům dochtoranckij sztudyje na Filologicznym Wydzale Jagellůńskiego Uńiwersytetu we Krakowje, łymkoznowczyńym i podszukowoczķym łymkowskij godki. Robi za redachtorka łymkowskiego radyja LEM.fm a jego informacyjnego portalu, a tyż za przekłodoczka, korechtorka, redachtorka, autorka publikacyjůw po łymkowsku. Spůłpracuje ze łymkowskimi a myńszocůowymi ferajnymi we Polsce a za grańicům, naukowymi uostrzodkami, co zajmujům śe myńszocůwym problymatykům (m.in. ze Cyntrům Zaangażowanych Podszukowań nad Kulturowům Ćungłocům na Wydzale «Artes Liberales» Warszawskiego Uńiwersytetu), a ze Cyntralńym Egzamowům Kůmisyjům.

**MARIA MIRUCKA** je dochtorantkům we Cyntrům Podszukowań nad Uprzedzyńami we Wydzale Psychologije Warszawskiego Uńiwersytetu. We naukowyj roboće zajmuje śe relacyjami ludzi ze jejjich placym zamjyszkowańo, co polygajům na ymocjůnalnym prziwjůnzańu a postrzegańu placu jak włońocůci. Podszukuje tyż wpływ tych relacyjůw na postawy wobec imigrantůw.

**JUSTYNA OLKO** je historyczķym, socjolingwistķym a etnolożķym. Robi na Wydzale «Artes Liberales» Warszawskiego Uńiwersytetu, kaj keruje Cyntrům Zaangażowanych Badań nad Kulturowům Ćungłocům. Zajmuje śe podszukowańym historyje, kultury a godki Indjanerůw Nahua, problymatykům myńszocůwych godkům, kulturowo-godkowům roztůmajocům, traumatyzacyjům rdzynnych grupůw a mocgodkowocům. Je zaangażowano we rewitalizacyjo zagroźůnych wymarcym godkům uod etńicznych

myśszości. Dwa razy uotrzymała grant Ojropejskij Rady ds. Naukowych Podszukowań. We 2020 r. uostała laureatkům kůnkursu «Falling Walls» we kategorii humanistycznych a społecznych nauk za «rozwołańy murůw mjyndzy akadymijům a lokalnymi społecznościami na rzecz godkowej roztůmajtości». We 2013 r. bůta uodznaczůno Kawalerskim Krzĩzym Uorderu Uodrodzyńo Polski a uotrzymała Burgen Fellowship Academia Europea.

**RAFAŁ RZEPKA** je Ślůnzokym, katowiczany, aktywistům a kulturowym ańimatorym. Uod 2014 r. je zaangażowany we uochrůna ślůnskij tůzsamości a jeji prawne uznańy uod Polskij Republiki. Spůżożycel a wiceprezes Dymokratycznyj Uńije Ślůnskij Regjůnalistůw – stowarzyszyńo, co uorganĩzuje kożdy rok Diktand Ślůnskij Godki a je uodpedźalne za wdrożyńy lekcjyůw regjůnalnyj edukacyje we rybńickich szkołach. Spůżożycel kolektywu Uotwarty Ślůnsk, kery průmuje inkluzywny uobroz Ślůnska a spjyro ekologijo a prawa uosůb LGBT. Spůłńicjator pjyrszyj we historyji Ślůnska przedwelůnkowyj debaty we ślůnskij godce. Uod 2019 r. zajmuje śe můńitoringym przejawůw dyskryminacyje Ślůnzokůw we publicznyj pjestrzyńi. Fachowo zajmuje śe rekrutacyjům a rozwojym uosobistyj karjery.

**MAGDALENA SKRODZKA** je absolwyntkům Wydźału Psychologije Warszawskigo Uńiwersytetu. Titel dochtora uotrzymała za podszukowańa psychospołecznych kůnsekwencyjůw a moderatorůw historycznyj traumy. Interesuje śe problymatykům społecznyj tůzsamości we proceśe traumatyzacyje, co wyńiko ze przinoleźności do grupy, spusobůw widzyńo wiktimizacyje grupy a psychospołecznych trudności, z kerymi mjezrům śe myśszoścowe a imigrancke grupy. Terozki robi we Uńiwersyteće we Limerick.

**BARTŁÓMJEJ WANOT** ukůńczůł Insztitut Filozofije Ślůnskigo Uńiwersytetu. Robi za korechtora, krům tego pisze a przekłodo na ślůnsko godka poezyjo, fascynuje śe inkszymi słowjańskimi godkami, w tym myśszoścowymi. Bezmała uod bajtla zaangażowany we ślůnski aktywizm, je zożycelym, kolektywu Uotwarty Ślůnsk, co průmuje idyje tolerancyje a roztůmajtości. Spůłuorganĩzator pjyrszych we historyji naukowych kůnferyncyjůw a przedwelůnkowych debatůw we ślůnskij godce. Trzi razy wygrowoł Diktand Ślůnskij Godki, je laureatym kůnkursu Blog Roku 2009.

**MICHAŁ WYPYCH** je dochtorantym we Cyntrům Podszukowań nad Uprzedzyńami na Wydźale Psychologije Warszawskigo Uńiwersytetu. Skůńczůł sztudyje ze psychologije a filozofije we Warszawskim Uńiwersyteće. Zajmuje śe podszukowaniami we sferze psychologije mjyndzygrupowych stosůnkůw, godki a ymocyjůw. Uosobliwje podszukuje efekty kůntaktu ze godkům rýnawiści dlo myśszoścowych, jak tyź wjynkszoścowych grupůw. Podszukuje tyź rola pogardy a szadyńfrojdy we mjyndzygrupowych

stosunkach a wpływ starań i strachu u własno grupa na zaangażowań na rzecz własny grupy a mżyndygrupowych postawów.

**KATARZYNA ZALESKA** je kulturowóm antropolożkóm. Skůńczůta sztudyjo na kerůnku «etnologijo a kulturowo antropologijo» we Jagellůńskim Uńiwersyteće a podyplůmowo sztudyjo na kerůnku «pedagogiczny rychtůnek» we Humańistyczno-Ekůnomicznyj Akadymiji we Łodźi. Robi za rehtorka angelskij godki we podstawowyj szkole we Krakowje. Zajmuje śe popularyzacyjóm kulturowyj antropologije pojstrzůd bajtli a młodzi. Uod 2012 r. udzelo śe jak wolůntarjuszka przy projektach na rzecz rewitalizacyje wilymowskij godki, co je kludźi Stowarzisyńy «Wilymowjany».